

文獻通考卷之二百十三

鄱陽馬端臨貴與著

經籍考

子雜家

漢藝文志雜家者流蓋出於議官兼儒墨合名法知國體之有
此見王治之無不

歸心

漢志二十家四百三篇

隋志九十七部合二千七百二十卷

唐志六十四家七十五部一千一百三卷

失姓名六家虞夏南以下
不著錄三十四家

卷六

宋三朝志六十部七百三十三卷

宋兩朝志十二部七十卷

宋四朝志一十七部九十五卷

宋中興志一百十九家一百四十九部一千七百六卷

小說家

漢藝文志小說者流蓋出於裨官

如淳曰裨音備家排九章水為裨街談巷語其四序之言也王者欲知閭巷風俗故立裨官使稱說之今世偶語為裨師古曰裨音務裨之裨不與鋪排同也裨官小官漢名臣奏書林請省置吏公卿大夫至都官裨官各減十三是也

街談巷語道聽塗說者之所造也孔子曰雖小道必有可觀者焉致遠恐泥是以君子弗為也然亦弗滅也閭里小智之所及亦使綴而不忘如或一言可采此亦芻蕘狂夫之議也

漢志十五家一千三百八十篇
隋志二十五部合一百五十九卷
唐志三十九家四十一部三百八卷失姓名二家李益以下不著錄
宋三朝志一百四十六部一千一百五十二卷

宋兩朝志四十六部一百一十三卷

宋四朝志四十六部四百一十二卷

宋中興志二百三十二家二百六十部一千九百五十五卷

雜家

范子計然十五卷

高氏子略曰計然遨遊海澤自稱漁父范蠡有請曰先生有陰

德願令越社稷長保血食計然曰越王烏喙不可以同利蠡之

智其有決於此乎此編卷十有二往往極陰陽之變窮曆數之

微其言之妙者有曰聖人之變如水隨形蠡之所以俟時而動

以見幾而作者其亦有得乎此計然濮上人姓章名文子其先

晉國公子也

洪氏容齋隨筆曰漢書賈殖傳越王句踐困於會稽之上乃用

范蠡計然遂報強吳孟康注曰姓計名然越臣也蔡謨曰計然

者范蠡所著書爲名耳非人也謂之計然者所計而然也釋書所稱句踐之賢佐種蠡爲首豈復聞有姓計名然者乎若有此人越但用半策便以致霸是功重於范蠡而書籍不見其名史遷不述其傳乎顏師古曰蔡說謬矣古今人表計然列在第四等一名計研班固實戲研桑心計於無垠即謂此耳計然者濮上人也嘗南游越范蠡卑身事之其書則有萬物錄事見皇覽及晉中經簿又吳越春秋及越絕書並作計倪此則倪研及然聲皆相近實一人耳何云書籍不見哉予按唐貞元中馬摠意林一書抄類諸子百餘家有范子十二卷云計然者蔡丘濮上人姓辛字文子其先晉國之公子也爲人有內無外狀貌似不及人小而明學陰陽見微知著其志沈沈不肯自顯天下莫知故稱曰計然時遨遊海澤號曰漁父范蠡請其見越王計然曰越王爲人鳥喙不可與同利也據此則計然姓名出處皎然可見裴駟

註史記亦知引范一北史蕭大圜云留侯追踪於松子陶朱成術於辛文正用此古曹子建表引文子李善註以爲計然師古蓋未能盡也而文子十二卷李暹註其序以謂范子所稱計然但其書一切以老子爲宗略無與范蠡謀議之事意林所編文子正與此同所謂范子乃別是一書亦十二卷馮摠只載其叙計然及它三事云餘並陰陽曆數故不取則與文子了不同李暹之說誤也唐藝文志范子計然十五卷註云范蠡問計然卷列於農家其是矣而今不存

呂氏春秋二十卷

晁氏曰秦呂不韋撰後漢高誘註按史記不韋撰云不韋相秦致辨士厚遇之使人人著所聞集論以爲八覽六論十二記二十餘萬言以爲備天地萬物古今之事號曰呂氏春秋暴之咸陽市門懸千金其上有能增損一字者予之時人無增損者高

誘以為非不能也畏其勢耳昔張侯論為世所貴崔浩五經注
學者尚之二人之勢插能使其善傳也况不韋權位之盛學
者安敢悟其意而有所更易乎誘之言是也然十二紀者本周
公書後儒真於禮記善矣而目之為呂令者誤也

高氏子略曰淮南王尚志謀募奇士盧館一開天下雋絕馳騁
之流無不雷奮雲集建議橫起稟說作新可謂一時傑出之作
矣及觀呂氏春秋則淮南王書殆出於此者乎不韋相秦蓋始
皇之初也始皇不好士不韋則徠英茂聚駿豪筭履斧庭至以
千計始皇甚惡書也不韋乃極簡冊攻筆墨束精錄異成一家
言吁不韋何為若此者也不亦異乎春秋之言曰十里之間耳
不能聞惟墻之外目不能見三畝之間心不能知而欲東至開
悟南撫多鷄西服毒靡北懷靡耳何以得哉四極國名此所以譏始
皇也始皇顧不察哉韋以此書暴之咸陽門曰有能損益一字

者予千金卒無一敢易者是亦愚黔之甚矣秦之士其賤若此
可不哀哉雖然是不特人可愚也雖始皇亦必為之愚矣異時秦者
又皆屠沽負販無一知書之人嗚呼

陳氏曰十二記者即今禮記之月令也

淮南子二十一卷

晁氏曰漢劉安撰淮南厲王長子也襲封招致諸儒方士講論

道德總統仁義著內書二十一篇號曰鴻烈鴻六也烈明也以

為大明道之言也避父諱以長為脩後漢許慎注慎自名注曰

記上今存原道俶真主文地形時則覽宜精神本經主術繆稱

齊俗道應汜論詮言丘略說山說林等十七篇李氏書目亦云

第七第十九亡崇文目則云存者十八篇蓋李氏亡二篇崇文

亡三篇家本又少其一俟求善本是正之

容齋洪氏隨筆曰淮南王安招致賓客方術之士作為內書二

予一篇外書甚衆又有中篇八卷言神仙黃白之術漢書藝文志淮南二十一篇外三十三篇列於雜家今所存者二十一卷蓋內篇也壽春有八公山正安所延致客之處傳記不見姓名而高誘序以爲蘇飛李尚左吳田申雷被毛被伍被晉昌等八人然惟左吳雷被伍被見於史雷被者蓋爲安所斥而亡之長安上書者疑不得爲賓客之賢者也

高氏子略曰少愛讀楚辭淮南小山篇聲峻瓌磊他人制作奇企攀者又慕其離騷有傳窈窕多思致每曰淮南天下奇才也又讀其書二十篇爲中文章無所不有如與莊列呂氏春秋韓非子諸篇相經緯表裏何其意之雜山文之沿複也淮南之奇出於離騷淮南之放得於莊列淮南之議論錯於不韋之流其精好者又如玉杯繫露之書是又非僅出於淮南所謂蘇飛李尚左吳田由雷被毛被伍被大山小山並出於淮南所謂蘇飛李尚

馳雋所以其書駁然不一

淮南一時所延蓋又非止蘇飛

之流也當是時孝武皇帝

好奇蓋又有甚於淮南內篇一

陳與帝心合內少君下王母聘方士搜蓬萊神仙譎怪日日作新其有感於淮南所謂崑崙增城璇室懸圃弱水流沙者乎武雖不仙猶享多壽王何爲者卒不克終士之誤人一至于此然其文字殊多新特士之厭常玩俗者往往愛其書况其推測物理探索陰陽六情卓然出人意表者惟揚雄氏曰淮南說之用不如太史公之用太史公之用聖人將有取焉淮南鮮取焉耳悲夫

周氏述聖曰淮南子多本文子因而出入儒墨名法諸家雖章分事彙然以爲篇而本末愈不相應且并其事自相舛錯如云武子仁然載刃而行母內未定故不爲三年之喪又云天下未定治以不輯武王欲昭文王之令德使夷狄各以其賄來貢遠

遠夫能至故治三年之喪殯兩楹以冷遠方當諸子放言之時不自相考幾無一可信者又謂武王用太公之計為三年喪以不審人類嘻又甚矣

陳氏曰按唐志又有高誘注少本記題許慎注而詳序文即是高誘不可曉也序言自誘之少從同縣盧君受其白讀盧君者植也與之同縣則誘乃涿郡人又言建安十年辟司言掾東郡濮陽今十七年漢書河東則誘乃漢末人其出處略可見

子華子十卷

晁氏曰其傳曰子華子程氏名本晉人也劉向校定其書按莊子稱子華子見韓昭侯陸德明以為魏人既不合又藝文志不錄子華子書觀其文辭近世依托為之者也其書有子華子為趙簡子不悅又有秦襄公方啓西戎子華子觀政於秦夫秦襄之卒在春秋前而趙簡子同時相去幾二百年其抵牾類如此

且多用字說謬誤淺陋殆元豐以後舉子所為耳

朱子曰會稽官書版本有子華子者云是程本字子華者所作孔子所與傾蓋而語者好奇之士多喜稱之以予觀之其詞故為艱澁而理實淺近其體務為高古而氣實輕浮其理多取佛老醫卜之言其語多用亡傳班史中字其粉飾塗澤俯仰態度但如近世後生巧於模擬變撰者所為不惟決非先秦古書亦非百十年前文字也原其所以概因家語等書有孔子與程子傾蓋而語一事而不見其所語者為何說故好事者妄意此人既為元聖所予必是當時賢者可以假托聲勢眩惑世人遂為造此言以傳合之正如麻衣道者本無言語祇因小說有陳者夷問錢若水骨法一事遂為南康軍戴師愈者偽造正易心法之書以托之也麻衣易手亦宜辨之矣然戴生於西晉其識之其書鄙俚不足惑人此子華子者討此一能文之所作其言精

麗河所衣易遠甚如論河圖之二與口抱九而上躋六與一蹈
一二兩下沈五居其中據三持七巧亦甚矣唯其巧甚所以知其
非古書也又漢書云漢國亦仍劉牧之謬充足以見其為近世
之作或云王銍性之姚寬今感多作屬書二人皆居越中恐出
其至然又恐非其所能及如子華子者今亦未暇評論其言
之公也但觀其書數篇與後三序皆一手文字其前一篇托
為劉向而殊不類向亡書後二篇乃無名氏歲月而皆托為之
魏類若世之隱之書者至其言風輪水樞之云正是並緣釋
氏之說其卒章宗君三祥清聖等事皆剽剝他書傳會為說其
自序出處又與孔叢子載子順事略相似孔叢亦偽書也又言有大造
于趙宗者即指程嬰而言以左傳口攷之趙朔既死其家內亂朔
之請弟或放或死而朔之妻乃巫目君之女故武從其母畜於公
宮妾得所謂大夫屠岸賈者與公女以滅趙氏而嬰與杵臼以死
衛之云哉且其曰有大造者又用呂相絕秦語其不足信明也
而近歲以來老成該洽之士亦或信之固已可怪至引其說以
自證其姓氏之所從出則又誣其相矣大抵學不知本而眩於
多愛又每務欲出於衆人之所不知者以為博是以其弊必至
於此可不戒哉

周氏涉筆曰子華子所著劉向序者文字淺陋不類向其云善
持論表徒著書更題其書皆非當時事辭大抵一卷者編輯見
意鳩聚眾語老莊荀孟國語素問諸非楚詞俱被剽括殆似百
家之萃其實近時文字又多僻字義蓋古文屢降至漢今文
猶未專行吾嘗疑其三經後此書方出故信字說而王老莊又
論治古之時積美于躬弗憂於無禍如擊老鼓鍾其所以四達
驛如也今則不然荒蕪怒號而獨秀者先隳而後立今而朱草
交搗構市之徒又從而譏諱以驚世一萌意於方寸亦有意毫分

也而觸機穿屐布其四体未有以為名也而得基也抱其一際
之操泯泯默默而頌有以試也而漫漫之長夜特未三也疾雷
破山澍雨如注雞鳴於埽而失其所以為司晨也人壽幾何而
期有以待也吾及覆其言而悲之嗟夫斯久也是書也毋乃
禁不開善類塗地無所叫號之明乎

陳氏曰考前世史志及諸家書司正無此書蓋假托也館閣書
目辨之當天家語有孔子遇程子傾蓋事而莊子亦載子華子
見昭僖侯一則此其姓字之所從出昭僖與孔子不同時然莊
子固寓言而家語亦未可考信班固古今人表亦無之使果有
其人遇合於夫子班固豈應見遺也其文不古然亦有可觀者
當出近世能言之流為此以玩世耳

風俗通義十卷

晁氏曰漢應劭撰劭字仲遠奉之子篤學博覽多聞靈帝時舉
孝廉仕至泰山太守漢風俗通以辨物名號釋時嫌疑文雖不
典世服其洽聞自序云風者天氣有寒暖地形有陰陽泉水有
美惡草木有剛柔俗風含血之類象而生之千里不同風百里
不同俗

陳氏曰唐志二十卷今惟存十卷餘略見事仲容子鈔

文獻通考卷之二百十三終

文獻通考卷之二百一十四

番 易 馬 端臨 貴與 著

經籍考

子 雜家

論衡三十卷

晁氏曰後漢王充仲任撰充好論說始如詭異終在實理以俗
情守文多失其真其閉門潛思戶牖墻壁各置刀筆著論衡八
十五篇其物類同異正時俗黜疑後蔡邕得之秘玩以為談助
云世論漢文章温上爾雅及其末也已衰觀此書與潛夫論風
俗通義之類比西京諸書及後漢書及後漢書之言不誣
高氏子名曰書八十五篇錄萬言其為言皆叙天證教人
事新物類道古略也王杯錄露而其文詳詳則禮義
莫能數而猜射身自盡而信幾於無一雜矣漢承城學之文以文

景武宣以來所以宗廟之章者非一日之力矣故學者向以盛
書日趨於大雅多聞之習凡所撰錄日益而歲有加至後漢盛
矣往往規度如一律體裁如一家是足以雋美於一時而不足
以準的於來世何則事之解絕言之少擇也劉向新序說苑奇
矣亦傷少探索之功闕詮定之各其敘事有與史皆者不一二
書尚爾况他書早表後漢書云充作論衡中土未有傳者蔡
邕入吳姑見之以為談助談助之言可以以此書美客有難充
嘗聽重者曰百多王寡寡者為珍龍少魚眾少者為珍乎充曰
文可以勝寡矣人無一引吾百篇人無一字吾萬言為可貴
矣亦所謂之情熟而少詞法皆正比謂數
陳氏曰光書人仕為州從事治中初作此書北方初未有
得之者王朗嘗詣蔡伯喈搜求至隱處果得論衡捉取數卷持
去伯喈曰惟我與爾共勿廣也然自今觀之亦未為奇

仲長子昌言二卷

崇文摠目晉傳漢仲長統撰按本傳統論說古今及時俗行事著
論多昌言凡二十四篇十餘萬言隋書言十卷今所有十五
篇分為三卷餘皆

傅子五卷

崇文摠目五傳宋齊撰集經史治國之說評前得失各為區例
本傳載內外中篇凡四篇亡錄合一百四十篇今亡一百十七

公侯政事十卷

崇文摠目自魯人初撰蓋魯人多初不著其姓未詳何代人

正訓十卷

崇文摠目不著撰人名氏按唐志有正訓二十卷辛德源撰而
此題云陸機撰又止十卷据隋以前書錄比目無陸機正訓之目
晉史機附亦不言嘗有此書而德源一著人出已亡疑其真書

抱朴子外篇十卷

晁氏曰晉葛稚川撰自號抱朴子博聞深洽江左絕倫著書甚富言黃白之事名曰內篇其餘外篇皆書內外通有一百十六篇多世所傳者四十篇而尸外篇頗言君臣理國用刑之道附錄雜家云

女誠一卷

陳氏曰漢曹世叔妻班昭撰固之妹也俗號女孝經

蔣子萬機論二卷

陳氏曰魏本尉平河蔣濟子通撰按館閣書目十卷五十五篇今惟十五篇疑非全書也

孫子十卷

陳氏曰趙晉孫綽與公撰恐依托唐志及中興書目並無之從程文簡家借錄

劉子五卷

陳氏曰劉晝孔昭撰播州錄事參軍表孝政為序凡五十五篇按唐志十卷劉勰撰今竹云書傷已不遇天下陵遲播遷江表故作此書時人莫知謂為劉勰或曰劉歆劉孝操作孝政之言云爾然不知晝為何代人其書近出傳記無稱莫詳其始末不知何以知其名晝字孔昭也

金樓子十卷

晁氏曰梁元帝撰釋書十篇論述古興亡之迹箴戒之言志怪雜說自叙著書聚書通曰金樓子者在藩時自號

陳氏曰雜記古今聞見末一卷為自序

瑞應圖十卷

陳氏曰不著名氏按唐志有孫柔之瑞應圖紀熊理瑞應四譜

各三卷顧野王符瑞圖十卷又祥瑞圖十卷今此書不與孫熊
同而卷數與顧合意其野王書也其門人多援孫氏以為注中
興書曰有符瑞圖二卷定著為野王又有瑞應圖十卷稱不知
作者蓋天地瑞應諸物以類分門今書正耳未知果野王否
云或題王正齡至李淑書目又直以為孫柔之矣又恐李氏書
別一家也

子鈔二十卷

陳氏曰以尚書左丞顏川庾仲容子仲撰所取諸子之書自有
五家其間頗有與今世見行書不同者而亡者多矣

意林三卷

晁氏曰唐馬摠會元撰初梁庾仲容取諸家書術數雜記九
百七家抄其要語為三十卷摠以其繁略失中增損成三軸前
有戴叔倫楊伯存兩序

高氏子略曰子鈔百十有七家仲容所取或數句或一二百言
是有以契其意入其用而他人不可共享者也馬摠意林一遵
更目多者十餘句少者一二言比子鈔更為取之嚴錄之精且
約也戴叔倫序其書曰上以防守教之失中以補比事之缺下
以儆屬文之結有疏通廣博潔淨符信之要無僻放拘刻譎蔽
邪蕩之慮亦足以發其機寫其志矣孔子曰雖小道亦有可觀
是於諸子未嘗廢也聖人既遠承學易殊義向之少純言議之
多謹則百氏之為家不能盡叶乎亦理之所必然也當篇籍散
缺人所未見之時而乃先識其名又得其語斯足以廣聞見助
發揮可止豈非鑿矣雞蹠也作機氏曰傾聽言之瀝液漱六藝
之芳潤唐氏曰月如合璧賦云獵英華昇庶幾焉
容齋洪氏隨筆曰唐世未知尊子而子故意林亦列其書而有差
不同者如伊尹不以一介與人亦不取一介於人之類其它所

引書如胡非子陶巢子纏子主孫子公孫尼子阮子王郭姚信
士緯殷興通語牟子周生烈子秦普子梅子任奕子魏朗子唐
海子綱子孫氏成敗志蔣子譙子鍾子張儼默記裴氏新書袁
淮正書袁子正論蘇子陸子張顯析言子子顧子諸葛子陳子
要言袁子論書今皆不傳於世亦有不知其名者

長短經十卷

晁氏曰唐趙蕤撰北夢瑣言云蕤梓州益亭人博學韜鈴長於
經世夫婦俱有隱操不應辟召論王霸機權正變之術第十卷
載陰謀家本缺今存者六十四篇

策轂子雜錄注解五卷

晁氏曰唐王叡撰二儀實錄古今注載事物之始樂府題解樂
府所由起馭輯纂數家之言正誤補遺劉允併歸一篇

事始三卷

晁氏曰唐劉孝孫等撰太宗命諸王府官以事名類推原初始
凡二十六門以教始學諸生易大傳自始作八卦至罔呂耒耨
曰杵之微皆記其本起禮弓所述亦皆物之始也然則事始之
書當係之儒今以其所取不一故附于雜家

陳氏曰唐吳三詒議弘文館學上南陽劉存撰

理道要訣十卷

陳氏曰唐宰相杜佑等卿撰凡三十三篇皆設問答之辭末二
卷記古今異制蓋於通典中撮要以便人主觀覽

造化權輿六卷

陳氏曰唐曹王府法曹趙自勳撰天寶七年表上陸農師著埋
雅頌采周之其孫務觀兩嘗為跋余求之又不獲已亥歲吳門
天慶觀道藏中借錄

刊語二卷

陳氏曰唐國子祭酒李諝撰

資暇集三卷

陳氏曰唐李匡文濟翁撰

燕明書二卷

陳氏曰唐國子太學博士丘光庭撰

蘇氏演義十卷

陳氏曰唐光啓進士武功蘇鶚德祥撰此數書者皆考究書傳訂正名物辨證訛謬有益見聞尤梁谿以家藏本刻之當塗

仲蒙子三卷

陳氏曰唐校書郎長樂林慎思虔中撰

致禮書十卷

晁氏曰唐朱朴撰乾寧中爲國子毛詩博士論述時務五十篇

上之詞如近時策斷之類迂緩不切與馬周所建明不啻霄壤矣昭宗善其言用太宗擢周故事拔爲相徒以益亂可歎也

兩同書兩卷

晁氏曰唐羅隱撰隱謂老子養生孔子訓世因本之著內外篇各五其曰兩同書者取兩者同出而異名之言也

陳氏曰不著名氏中興書目云唐吳筠撰唐藝文志同但入小說類采孔老爲內外十篇名祝融子兩同書祝融者謂鬻子爲諸子之首也

崇文摠目唐羅隱撰采孔老二言著爲內外十篇以老子修身之說爲內孔子治世之道爲外會其旨而同元

宋齊丘化書六卷

晁氏曰僞唐宋齊丘子嵩撰張耒文潛嘗題其後云齊丘之意特大鼠之雄耳蓋不足道其爲化書雖皆淺機小數亦微有以

見於黃老之所謂道德其能成功有以也吾嘗論黃老之道德本於清淨無爲遣去情累而其末多流而爲智術刑名何哉仁義生於恩恩生於人情聖人節情而不遣者也無情之至至於無親無親則忍矣此刑名之所以用也文章頗高簡有可喜者其言曰君子有奇志天下不親雖聖人出斯言不廢

格言五卷

晁氏曰偽唐韓熙載叔言撰熙載以經濟自任乃著書二十六篇論古今王伯之道以干李煜首言陽九百六之數及五運迭興事其驕雜如此有門人舒雅序

中華古今注三卷

陳氏曰後唐太學博士馬縞撰蓋推廣崔豹之書也

續事始五卷

晁氏曰偽蜀馮鑑廣孝功所著

事原錄三十卷

晁氏曰皇朝朱繪撰其書事始之類也

物類相感志十卷

晁氏曰皇朝僧贊寧撰采經籍傳記物類相感者志之分天地人物四門贊寧其人以博物稱於世柳如京徐騎省與之游或就質疑事楊文公歐陽文忠公亦皆知其名

陳氏曰贊寧國初名釋也

老智餘書三卷

陳氏曰太子少保致仕澶淵晁迥德遠撰迥善養生兼通釋老書年至八十四子孫多聞人

昭德新編一卷

陳氏曰晁迥撰昭德者京師居第坊名也晁氏子孫皆以爲稱

宋景文筆錄三卷

晁氏曰皇朝宋祁撰皆故事異聞嘉言奧語可為談助不知何人所編每章冠以公曰景文乃祁謚也

中興藝文志筆錄三卷皇朝紹聖中宋肇次其祖準遺語凡一百七十條

按二筆錄卷數同祁序又兄弟也然則一書耶二書耶當考近事會元五卷

陳氏曰李上友撰自唐武德至周顯德雜事細務皆記之微言三卷

陳氏曰司馬光手抄諸子書題其末曰余此書類舉之抄書然舉子所鈔猶其辭余所鈔覈其意舉人志科名余志道德其言書迂叟言六十八蓋公在相位時也方機務填委且將屬疾而好學不厭克勤小物如此所鈔自國語而下六書其目三百一十有二小楷端謹百世之下使人肅然起敬真跡藏邵康節家其

諸孫邊守潘嘉從邵氏借刻其板歸蜀今在其群從述尊古家

泣岐書三卷

陳氏曰蜀人龍昌期撰稱上昭文相公有後序言求薦進之意天保正名論八卷

陳氏曰龍昌期撰其學迂僻專非周公妄人也事物紀原二十卷

陳氏曰不著名氏中興書目十卷開封高承撰元豐中人凡二百七十事今此書多十卷且數百事是後人廣之耳

孔氏雜說記一卷

晁氏曰皇朝孔武仲撰論載籍中前言往行及國家故實賢哲文章亦時記其所見聞著

晁氏客語一卷

中興藝文志卷之二十四

陳氏曰晁說之以道撰

王氏雜說十卷

晁氏曰皇朝王安石介甫撰蔡京爲安石傳其略曰自先王澤竭國異家殊由漢迄唐源流浸深宗興文物盛矣然不知道德性命之理安石奮乎百世之下追堯舜三代通乎晝夜陰陽所不能測而入於神初著雜說數萬言世謂其言與孟軻相上下於是天下之士始原道德之意窺性命之端云所謂雜說卽此書也以京之夸至如此且不知所謂通乎晝夜陰陽所不能測而入於神者爲何等語故著之

汲世論一卷

晁氏曰右未詳何人所著多稱元祐間事且喜論兵疑呂氏書也九十門

馭臣鑒古二十卷


晁氏曰古皇朝鄧綰撰元豐中爲中丞時之朝未幾坐操心頗僻賦性姦回論事薦人不循分守貶

廣川家學三十卷

陳氏曰中書舍人董弅公升撰述其父迥之學

蘇文定公遺言

蘇轍子由撰周平園序略曰文定公晚居許昌造深矣避禍謝客縱有門人亦罕與言其聞緒論者子孫而止耳然諸子宦游惟長孫將作監丞仲滋諱籀年十有四才識卓然侍左右者九年記遺言百餘條未嘗增損一語既老以授其子郎中君諱郎中復以授其子道州史君杰子嘗與道州同僚故請題其後昔人疑黃樓賦非出公手東坡蓋親爲之辨今公自謂此賦學兩都晚年不復作此工夫之文至和陶擬古九首則明言坡代作識者當自得之又云讀書須學爲文餘事作詩然公詩自工謂



缺 P10

儲光義高處似陶淵明平處似王摩詰而以韓子蒼比之子蒼由是知名公素不作長短句今漁家傲一篇雖用禪語而句法極高乃知公非不能詞直不爲耳此皆學者所宜知也

石林家訓一卷

陳氏曰葉夢得少蘊撰

石林過庭錄二十七卷

陳氏曰葉夢得與諸子講說者其中子模編輯之

程氏廣訓六卷

陳氏曰中書舍人三衢程俱致道撰

藝苑雌黃二十卷

陳氏曰建安嚴有翼撰大抵辨正訛謬故曰雌黃其目子史傳注詩詞時序名數聲畫器用地理動植神怪雜事卷爲二十條凡四百條硯岡居士唐稷序之有語異常公教泉荆二郡

氏何與焉此論殆得於景迂之微意

容齋隨筆續筆二筆四筆各十六卷五筆十卷

陳氏曰翰林學士番禺洪邁景盧撰每編皆有小序五筆未成書朱子語錄曰洪景盧隨筆中辨得數種偽書皆是但首卷載歐帖事却非實世間偽書如西京雜記顏師古已辨之矣

續顏氏家訓八卷

陳氏曰左朝請大夫李正公撰皆用顏氏篇目而增廣之

習學記言五十卷

陳氏曰閣學士龍泉葉適正則撰自六經諸史子以及文鑑皆有論說大抵務爲新奇無所稍襲其文刻峭精工而義理未得爲純明正大也自孔子之外古今百家陳氏淺深咸有遺論無得免者而獨於世所傳子華子篤信推崇之以爲真與孔子同時可與六經並考而不悟其爲偽也且既曰其書甚古而文

與今相近則亦知之矣遠自七略及隋唐國史諸志李邯鄲諸家書目皆未之有豈不足以驗其非古出於近世好事能文者之所為而反謂孟荀以來無道之者盡空而棄之也不亦惑乎

進齋雜說一卷

陳氏曰錢唐吳如愚撰

灌畦暇語一卷

陳氏曰不知作者雜取史傳事略述己意

志筌書二卷

陳氏曰潘植子醇撰新安所刻本凡八十二篇與館閣書目諸儒鳴道集及余家寫本篇數皆不同本已見儒家而館目置之雜家者以其多用釋老之說故也今亦別錄於此

袁氏世範三卷

陳氏曰樂清令三衢袁采君載撰

文獻通考卷之一百一十四終

文獻通考卷之二百十五

鄱陽馬端臨貴與著

經籍考

子小說家

燕丹子三卷

中興藝文志丹燕王喜太子此書載丹與荆軻事

周氏涉筆曰荆軻事既卓偉傳記所載亦甚囁奇今燕丹子三

篇與史記皆相合似是史記事本也然烏頭白馬生角機橋不

發史記以怪誕削之進金擲龜膾千里馬肝截美人手史記以

過富峭之聽琴姬得隱語史記以微所聞削之史遷不獨文字

雄深至於識見高明超出戰國以後其書是削百家誣謬亦豈

可勝計哉今世祇謂太史公多好亦未然也又如許由伊尹范

蠡亦多疑辭惟信孔氏門人傳錄大過如五帝本紀孔子世家

其間和妄居多是未能充其類

神異經一卷

陳氏曰稱東方朔撰張茂先傳

十洲記一卷

晁氏曰漢東方朔撰班固贊言朔之談諧逢占射覆其事浮淺童兒牧豎無不眩而後世好事者因取奇言怪語附著之朔豈謂此書之類乎

陳氏曰亦漢書二書詭誕不經皆假托也漢書本傳叙朔之辭末言劉向錄朔書是矣世所傳他事皆非也贊又言朔之談諧其事浮淺行於衆庶而後世好事者因取奇言怪語附著之朔故詳錄焉史家欲祛妄惑可謂明矣

洞冥記四卷拾遺一卷

晁氏曰後漢郭憲子橫撰其序言漢武明雋特異之主東方朔

因滑稽浮誕以匡諫洞心於道教使冥跡之奧昭然顯著故曰

洞冥

陳氏曰題漢武別國洞冥記其別錄又於御覽中抄出然則四卷亦非全書也凡若是者藏書之家備名數而已無之不足為損有之不足為益况於詳略亦非所計也唐志入神僊家

周盧注博物志十卷 盧氏注六卷

殷文奎啓注晉張華讀三十車書作博物志四百武帝以為繁只作十卷

晁氏曰晉張華撰載歷代四方奇物異事兩本前六卷略同無周氏注者稍多而無後四卷周名日用西京賦曰小說九百起自虞初周人也其小說之來尚矣然不過志怪之類而已其後史記務求異聞往往取之故近時為小說者始多及人之善惡其者肆喜怒之私變是非之實以誤後世至

于譽知温而毀陶侃衣盧杞而貶陸贄者有之今以志怪者為上褒貶者為下云

王子年拾遺記十卷

晁氏曰梁蕭綺叙錄晉王嘉字士年嘗著書百二十篇載伏羲以來異事前世奇詭之說書逸不完紆綴拾殘缺而叙之

名山記一卷

陳氏曰亦稱王子年即前之第十卷大抵皆詭誕嘉符秦時人

見晉書藝術傳

世說新語十卷董編世說十卷

晁氏曰宋劉義慶撰梁劉孝標注東漢以後事分三十八門唐藝文志云劉義慶世說八卷劉孝標續十卷而崇文摠目上載十卷當是孝標續義慶元本八卷通成十卷耳家本有二一極

詳一殊略略有稱改正未知誰氏所定然其目則同劉知幾頗言此書非實錄予亦云

陳氏曰今本三卷叙錄二卷叙錄者近世學士新入注藻彥章所為也首為考異繼列八世世譜姓字異同末記所引書目按唐志作八卷劉孝標續十卷自餘諸家所藏卷第多不同叙錄詳之此本董二升刻之徽州以為安元獻公手自校定刪去重複者

高氏續略曰義慶采擷漢晉以來佳事佳話為世說新語極為精絕而猶未為奇也梁劉孝標注此書引援詳確有不言之妙如引漢魏吳諸史及子傳地理之書皆不必言只言其氏一朝史及晉諸公別傳譜錄文章凡一百六十六卷皆取於正史之外紀載特詳聞見未接寫為注望日之法

殷芸小說十卷

晁氏曰宋致善撰述秦漢以來雜事子家本題曰晉書李淑以爲非

陳氏曰邯鄲書目云或題劉錄非也今此書自真漢魏晉宋諸帝注云齊殷芸撰非劉餘明矣故其敘事止宋初蓋於諸史傳記中抄集或稱商芸者宣祖廟未祀時誤語也

述異記二卷

晁氏曰梁任昉撰昉家藏書三萬卷天監中采輯前世之事纂新述異皆時所未聞將以資後來屬文之用亦博物之意唐志以爲祖同所作誤也

續齊諧記一卷

陳氏曰梁奉朝請吳均撰齊諧志怪本莊子語也唐志又有東陽無疑齊諧志今不傳此書殆續之者歟
北齊還竟志二卷

陳氏曰顏之推撰

古今同姓名錄一卷

陳氏曰梁正帝撰有陸善經者續之至五代時

隋唐嘉話一卷 劉餗小說三卷

陳氏曰並云補朝野僉載撰

博異志一卷

晁氏曰題曰谷神子然蓋序稱其書始於魏時事故隱姓名或曰名還古而竟不知其姓志怪之書也

陳氏曰記唐初及中事

卓異記一卷

晁氏曰唐李翱撰或題云陳翔開成中在襄陽見室君臣功業殊異者二十一類
陳氏曰記當時君臣卓絕事

集異記一卷

晁氏曰唐許用四撰集隋唐間談詭之事一題古異記首載徐佐御化鶴事

陸氏集年記二卷

晁氏曰唐陸勳撰詭怪之言也九三十二事言之怪者皆三之一稽神異苑十卷

晁氏曰題云兩齊焦度撰編傳記鬼神雜說乃草木禽獸妖怪譎詭事考焦度南安人也曾勸朴贖以勇力事高帝決不能著書又卒於建元四年而所紀有梁天監中事必非也唐志有焦路窮神秘苑十卷豈即此書而相傳之訛歟

朝野僉載補遺三卷

晁氏曰唐張鷟文成撰分二十五門載唐朝雜事鷟號浮休子蓋取莊子其生也浮其死也休之義

容齋洪氏曰僉載紀事皆瑣尾摘裂且多媒語

陳氏曰其書本三十卷此特其節略耳別求之未獲

冥報記二卷

陳氏曰唐吏部尚書元光唐臨本德撰

辨疑志三卷

陳氏曰唐宣武行軍司馬吳郡陸長源撰辨理俗流傳之妄

宣室志十卷

晁氏曰唐張讀聖明撰奏輯仙鬼靈異事名曰宣室志者取漢文乃見賈生論鬼神之義若台符為之序

封氏見聞記五卷

晁氏曰唐封演撰分門記儒道經籍人物地理雜事且辨說訛謬蓋著其於見聞如此

陳氏曰前紀典故亦雜事頗有可觀

劉公室話一卷

晁氏曰唐李紳撰劉公謂禹錫絢字文明執誼子也咸通中節度使武幼從學於禹錫錄其話言

戎幙閑談一卷

晁氏曰唐李紳撰太和中為李德裕從事記德裕所談

平泉草木記一卷

晁氏曰唐吳德裕撰記其別墅奇花異草樹石名品仍以數詠其美者詩二十餘篇附于後平泉別墅地名

玄怪錄十卷

晁氏曰唐牛僧孺撰僧孺為宰相有聞于世而著此等書周秦行紀之謗蓋有以教之也

陳氏曰唐志十卷又言李復言續錄五卷館閣書目同今但有十一卷而無續錄

續玄怪錄十卷

晁氏曰李復言續僧孺書分仙術感應三門

周秦行紀一卷

晁氏曰唐牛僧孺省叙所遇異事書中以爲草瓊所撰確李德裕門人以此無僧孺

洽聞記三卷

晁氏曰唐鄭常撰記古今神異詭譎事九百二十六條或題曰鄭遂

甘澤謠一卷

晁氏曰唐袁郊撰輒譎異事九章咸通中久雨卧疾所著故曰甘澤謠

陳氏曰咸通戊子自序以其春雨澤應故有甘澤成謠之語以名其書

河東記三卷

晁氏曰唐薛漁思撰亦記諸怪事序云續牛僧孺之言
酉陽雜俎二十卷續酉陽雜俎如十卷

晁氏曰唐段成式撰自序云繼掖之從及怪及藏無侵於儒詩
書為大羹史為折俎子為醢醢大小二酉山多藏奇書故名篇
曰酉陽雜俎分三十門而二十卷其後續十卷

陳六曰所記固多諸怪怪標目亦奇詭如天咫玉壺壺史貝編
尸室之類成式文昌之

因話錄六卷

晁氏曰宋孫奭撰字澤公天中時為衢州刺史記唐史逸事

劇談錄三卷

晁氏曰東駢字駕言撰中登進士第書成載唐世故事

唐語林十卷

晁氏曰未詳撰人效世說體分門記唐世名言新增嗜好等十
七門餘皆仍舊

史話三卷

晁氏曰不題撰人自後漢及江左朝野雜事皆記之

資暇三卷

晁氏曰唐李匡臣撰序稱世俗之談類多訛誤雖有見聞
嘿不敢證故著此書立篇正誤中篇譯原下篇本物以資林暇云

芝田錄一卷

晁氏曰叙謂嘗恐緱氏故取潘岳西征賦名其書言記唐雜事
未詳何人物六百條

朝廷事紀一卷

晁氏曰唐陳峴撰記唐朝忠賢卓絕五十事

杜陽雜編三卷

杜陽雜編三卷

晁氏曰唐蘇鶚字德祥光登中進士家武功杜陽川雜錄廣德以至咸通時事

雲溪友議二卷

晁氏曰唐范攄撰記開元以後事攄五溪人故以名其書

陳氏曰咸通時人唐志三卷全十二卷

談賓錄十卷

晁氏曰唐朝琰子温撰上自唐朝史之所遺文武間人

乾牒子三卷

晁氏曰唐温庭筠撰序謂語怪以悅賓無異膜味之適口故以

乾牒名書

陳氏曰序言不爵不觥非魚非豕能悅諸心聊甘眾口庶乎乾

牒之義牒與饌同字從肉見古禮經

尚書故實一卷

晁氏曰唐李綽編崇文摠目謂尚書即張延賞也綽記延賞所

談故又題曰尚書談錄按其書稱嘉貞為四世祖疑非延賞也

陳氏曰其書首言賓護尚書河東張公三代相門謂嘉貞延賞

弘靖弘靖盧龍失御賈賓客各司綽唐末人未必及弘靖弘靖

之後文規以宗少連且不登八中未詳所謂唐志即以為延賞

尤不然

家學要錄一卷

晁氏曰唐柳程采其曾祖彥昭知芳父冕家集所記累朝典章

因革時政得失著此錄小說之尤者也

常侍言三卷

晁氏曰唐柳理記其世父芳所著凡六章未有錄出未及上清

傳附

異聞集十卷

晁氏曰唐陳翰編以傳記所載唐朝奇怪事類為一書

陳氏曰唐志人見唐志而第七卷所載王魁乃本朝事當是後人勦入之耳

聞奇錄一卷

陳氏曰不著名氏當是唐末人

松窓錄一卷

晁氏曰唐李肇撰記唐朝故事

蕭湘錄十卷

陳氏曰唐校書郎李隱撰館閣書目云耳唐志作柳詳未知書目何據也

幽閑鼓吹一卷

晁氏曰唐張固撰紀唐史遺事二十五篇懿僖間人

知命錄一卷

陳氏曰唐劉愿撰凡二十事

前定錄一卷

陳氏曰唐崇文館校書鍾欽撰凡二十二事別本又有續錄二十四事

雜纂一卷

陳氏曰唐李商隱義山撰俚俗常談鄙事可資戲笑以類相從今世所稱俗風景蓋出於此又有別本稍多皆後人附益
巽若李氏曰用諸酒坊流行之際可謂善譔其言雖不雅馴然所詞諷多中俗病聞者或足以為戒不獨為笑也

盧氏雜說一卷

陳氏曰唐盧言撰

廬陵官下記二卷

陳氏曰段成式撰為吉州刺史時

唐缺史三卷

陳氏曰唐高彦休撰曰號參寥子乾符中入北里志一卷

見氏曰唐孫榮撰記大中進士游休平康事孫光憲言榮之意在譏虛相構也蓋榮之女與其甥通謀知之遂以妻之殺家人以滅口云

玉泉筆端三卷 又別一卷

陳氏曰不著名氏有序中和三年作末有跋云扶風李昭德家藏之書也即故淮海相公孫又稱黃巢陷洛之明年跋亦不知何人別一本號玉泉子比此本少數條而多五十二條無序跋錄其所多者為一卷

三水小牘三卷

陳氏曰唐皇甫牧撰美撰天祐中人三水者安定屬邑也

白鄉日月三卷

陳氏曰唐皇甫松子奇撰唐人飲酒令此書詳載然今人皆不能曉也

龍城錄一卷

陳氏曰稱柳宗元撰龍城謂柳州也羅浮梅花夢事出其中唐志無此書蓋依托也或云王銍性之作

朱子語錄曰柳文後龍城錄雜記王銍之為也子厚叙事文字多少筆力此記衰弱之甚皆寫古人詩文中不可曉知底於其中似暗影出

唐朝新纂三卷

陳氏曰融州副史石文德撰

豪異秘纂一卷

陳氏曰無名氏所錄其事其扶錄國王一則所謂此須客者也

樹萱錄一卷

陳氏曰不著名氏序稱纂尚書宋陽公亦不知何人又云普三國立之明年普聖者僖宗田並早踐位也書無見唐志今亦未必本真或云劉燾無言所為也

續樹萱錄一卷

容齋洪氏隨筆曰頃在秘閣抄書得續樹萱錄一卷其中載隱君子元撰夜見兵王夫差與唐詩詩人吟諫事李翰林詩曰芙蓉露濃紅壓枝幽禽感秋花昨啼玉人一去未回馬梁間燕子三見歸張司業曰綠頭鴨兒啞萍藻採蓮女郎笑花老杜舍人曰鼓鼙夜戰北窓風霜葉沾啼亂紅三人皆全篇杜工部曰紫領兒袍漉酒巾江頭蕭散作閑人白少傅曰不因霜葉辭林去的當山翁未覺秋李賀曰魚鱗斃空排嫩碧露桂梢寒掛團璧三人皆未終篇細味其體格語句往往逼真後閱秦少游集

有秋興九首皆擬唐人前所載咸在焉閔子東為秦集序云擬古數篇曲盡唐人之體正謂是也何子楚云續萱錄乃王性之所作而托名他人今其書才有三事其一曰賈博諭一曰全若虛一曰元撰詳命名之義蓋取諸子虛亡是公公云

雲仙散錄一卷

陳氏曰稱唐金城馮濟撰天復元年叙馮贇者不知何人自言取家世所著異書撮其異說而所引書名皆古今所不聞且其記事造語如出一手政如世俗流行東坡杜詩注之類然則所謂馮贇者及其所著書皆子虛烏有也亦可謂枉用其心者矣洪氏容齋隨筆曰名間所傳馮贇之書亦所傳雲仙散錄老杜事實之類皆絕可笑然士大夫或信之其言亦不撫唐事殊有工而采載雲仙錄中事自錄其書近世四州學刊散錄可毀

文獻通考卷之二百一十五終

文獻通考卷之二百一十六

鄱陽 馬端臨 貴與著

經籍考

子小說家

傳奇三卷

晁氏曰唐裴劍撰唐志稱劍高駢客故其書所記皆神仙恢譎事
駢之惑呂用之未必非劍輩導說所致

陳氏曰尹師魯初見范之正岳陽樓記曰傳奇體耳然文體隨
時理勝為貴文正豈可與傳奇同日語哉蓋一時戲笑之談耳
唐志三卷今六卷皆後人以其卷帙多而分之也

撫言十五卷

晁氏曰唐王定保撰分六十三門記唐朝進士應舉科雜事
陳氏曰正保光化三年進士為吳融子華塔夜後二湖南棄

其妻非顧士論不婚

金華子三卷

晁氏曰唐劉崇遠撰金華子其自號蓋慕言初平為人也錄唐

大中後事一本題曰劉氏雜編

陳氏曰崇遠五代時人仕至大理司直

北夢瑣言二十卷

晁氏曰荆南孫光憲撰光憲蜀人從陽城元蓋遊多聞唐世賢

哲言行因纂輯之且附以五代十國事其傳因於江南之夢自

以為高氏從事在荆江之北故命編云

陳氏曰光憲仕荆南高從誨為黃州刺史三世在幟府後隨繼

冲入朝有薦于太祖者將用為學士未及而卒光憲自號葆光

皮氏見聞錄五卷

晁氏曰五代皮光業撰唐末為餘杭從事記當時詭異見聞自

唐乾符四年迄晉天德二年自號鹿門子

耳日記一卷

陳氏曰無名氏邯鄲書目云劉氏撰未詳其名記唐末以後事

紀聞談三卷

陳氏曰蜀潘遠撰館閣書目按李淑作潘遠今考邯鄲書目亦

作潘遠其言遠者本誤也所記隋唐遺事

鑑誠錄十卷

晁氏曰後蜀何光遠撰字輝夫東海人唐諡中其纂輯唐以來君

臣言行可為世鑒者前有劉曠及序李獻臣云不知何時人考

之不誤也

葆光錄三卷

京氏曰陳休撰自號藪明子所載多吳越事當是國初人

後史錄三卷

陳氏曰前進士高欲拙

野人閑話五卷

陳氏曰成都京煥撰記是當時事乾德三年序

續野人閑話二卷

陳氏曰不知作者

稽神錄六卷

晁氏曰南唐徐鉉撰記怪神之事序稱自己未歲至乙卯凡二十年僅得百五十事楊大年云江東布衣蒯亮好大言夸誕鉉喜之館于門下稽神錄中事多亮所言

陳氏曰元本十卷今無卷第摠作一卷當自是它書中錄出者

賈氏談錄一卷

晁氏曰南唐張洎奉使來朝錄賈黃中所談三十餘事歸獻其主

燈下閑談二卷

陳氏曰不知作者

啓顏錄八卷

陳氏曰不知作者雜記恢諧調笑事唐志有侯白啓顏錄十卷未必是此書然亦多有侯白語但訛謬極多

開顏集三卷

陳氏曰校書郎周文規撰未知何時人以古笑林多猥俗乃於書史中抄出可資談笑者為此篇

唐撫言十五卷

陳氏曰鄉貢進士何晦撰其序言太歲癸酉下第於金陵鳳臺旅舍癸酉者開寶六年也時江南獨未下晦蓋其國人歟

洛陽播紳舊聞記十卷

陳氏曰丞相曹國張齊賢鮮亮撰所錄張全義治洛事甚詳

太平廣記五百卷

晁八曰皇朝太平興國初詔李昉等取古今小說編纂成書同
太平御覽上之賜名庶記

夾漈鄭氏曰太平廣記乃太平御覽中別出廣記一書專記異事
鹿革事類三十卷鹿革文類三十卷

晁氏曰節太平廣記事實成一編曰事類詩文成一編曰文類
蔡蕃晉如所撰晉如博學通書音律能屬文與十父相交善

洛中記異十卷

晁氏曰皇朝蔡再思記五代及國初識應雜事

洞微志十卷

晁氏曰皇朝錢希白述記唐以來詒諸事

清異錄二卷

陳氏曰稱翰林學士陶穀撰凡天文地理花木飲食器物每事
皆制為異名新說其為書殆似雲仙散錄而語不類國初人蓋

假托也

乘異記三卷

晁氏曰皇朝張君房撰其序謂乘者載記之名異者非常之事
蓋憑鬼神變怪之書九十一門七十五事

陳氏曰咸平癸卯序取晉之乘之義也君房又有脞說家偶無
之飛公武讀書志以脞說為張唐英君房撰又言君房著名臣
傳蜀檮杌雲笈七籤行于世按君房祥符天禧以前人楊大年
改開忙令所謂此脞失却張君房者即其人也嘗為御史屬坐
黜貶秩因編修七籤得著作佐郎七籤序自言君房蓋其名
非字也唐英字次功世曹閬人丞相商英天覺之兄作名臣傳
蜀檮杌者與君房了不相涉不知晁何以合為一人也其誤明矣

乘異記十卷

晁氏曰皇朝張師正撰師正擢甲科得太常博士後游宦四十

年不得志於是推愛修重見聞之異得二百五十篇魏泰為之叙

祖異志十卷

晁氏曰皇朝齒田撰田天禧中進士不中第至元祐初因記述時說聞異見一百餘事夫禧至元祐七十餘年田且百歲矣

康定元年序

楊文公談苑八卷

晁氏曰皇朝宋庠編初揚公億里人黃鑑哀撰平生異聞為一編庠取而刪類之分為二十一門

陳氏曰鑑書初名南陽談數宋公刪其重複改曰談苑

歸田錄十卷

晁氏曰皇朝李昉撰昉蜀人張詠客也與范鎮友善熙寧中致仕歸與門人賓客燕談忘倦門人請編錄之又名該聞錄

作十卷又有雜詩十二篇係于後

江鄰幾雜志三卷

晁氏曰皇朝江休復撰休復歐陽永叔之執友其所紀精博絕人遠甚鄰幾其字也又名嘉祐雜誌

開談錄兩卷

晁氏曰皇朝蘇耆撰舜卿之父也記五代以來雜事下帙多載馮道行義

文會談叢一卷

陳氏曰題華陽一古賦推不知何人大聖五年序

國老閑談二卷

陳氏曰稱善品君王撰不著姓

東齋記十卷

晁氏曰皇朝范鎮景仁撰元豐中序言既謝事日於東齋燕坐

年不得志於是推變修重身聞之異稱二百五十篇魏泰為之叙

祖異志十卷

晁氏曰皇朝趙田撰田天禧中進士不中第至元祐初因記近時說聞異見一百餘事夫禧至元祐七十餘年田且百歲矣

康定元年序

楊文公談苑八卷

晁氏曰皇朝宋庠編初楊公億里人黃鑑良撰平生異聞為一編庠取而刪類之分為二十一門

陳氏曰鑑書初名南陽談數宋公刪其重複改曰談苑

歸田錄十卷

晁氏曰皇朝李昉撰昉蜀人張詠客也與范鎮友善熙寧中致仕歸與門人賓客燕談忘倦門人請編錄之又名該聞錄

作十卷又有雜詩十二篇係于後

江鄰幾雜志三卷

晁氏曰皇朝江休復撰休復歐陽永叔之執友其所紀精博絕人遠甚鄰幾其字也又名嘉祐雜誌

開談錄兩卷

晁氏曰皇朝蘇耆撰舜卿之父也記五代以來雜事下帙多載馮道行義

文會談叢一卷

陳氏曰題華陽一官融撰不知何人大聖五年序

國老閑談二卷

陳氏曰題美里君王撰不著姓

東齋記十卷

晁氏曰皇朝范鎮景仁撰元豐中序言既謝事日於東齋燕坐

追瑒在朝時友游言語與六里俗傳記因纂集成一篇崇觀間以其及國朝故事林也

春明退朝錄三卷

晁氏曰皇朝宋敏求次道撰多記國朝典故其序云熙寧三年予奉朝請于春明星因纂其所聞也

南遷錄二卷

晁氏曰皇朝張舜臣撰舜民元豐中從軍攻靈州師還請授柳州監酒即日之官記塗中所歷并其詩文

夢溪筆談二十六卷

晁氏曰皇朝沈括存中撰括好功夫為求樂不克歿死而實才高博學多技能音律星曆尤邃自序云退處林下深居絕過從所與談者惟筆硯而已故以名其書凡十七目

志懷錄三卷

晁氏曰皇朝元豐中夢溪文人坳所集皆飲食器用之式種藝之方可以資山居之樂者或云沈括也

陳氏曰括坐永樂事閑廢晚歲乃以光祿卿分司卜居京口之夢溪有水竹山林之適少有懷山錄可資居山之樂者輒記之自謂今可忘于懷矣故易名志懷錄

郡閣雅言一卷

晁氏曰皇朝潘岳撰太宗時守郡與僚佐話及南唐野逸賢哲是事佳言輒記之于書凡五十六條以資雅言或題曰郡閣雅言書錄以附題作郡閣雅言是實善大夫潘欲冲撰

秘閣四談五卷

晁氏曰皇朝吳淑撰記秘閣四條其後李煜降丹陽人

牧豎語論三卷

晁氏曰皇朝景漁纂十九事景漁蜀人也

慎府燕間錄一卷

晁氏曰皇朝事仲詢撰仲詢元豐初嵐州推官纂當代怪奇可喜之事為二十門

歸田錄二卷

陳氏曰歐陽脩撰或言公為此錄未傳而序先出裕陵索之其中本載時事及所經歷見聞不敢以進旋為此本而初本竟不復出未知信否公自為序略曰歸田錄者朝廷之遺事史官之所不記與夫士大夫笑談之餘而可錄者錄之以備閑居之覽也又曰唐李肇國史補序云言報應叙鬼神述夢卜近惟猶悉去之記事實探物理辨疑惑示勸戒采風俗助談笑則書之余之所錄大抵以肇為法而小異於肇者不書人之過惡以謂職非史官而掩惡揚善君子之志也覽者詳之

歸田後錄十卷

陳氏曰朝請郎廬江朱定國與仲撰熙豐間人竊取歐公舊錄之名專不相關也

清夜錄一卷

陳氏曰沈括撰

續清夜錄一卷

陳氏曰王銍性之撰

苦川子所記三事一卷

陳氏曰不知何人三事者勃舉姑王立林果親皆異事也未見韓愈見一事是歐陽公所記偶錄附此

補姪記一卷

晁氏曰古有姪記久而亡之不知何人輯傳記中婦人嚴如事以而亡

陳一八曰稱京兆王縉編不知何時人古有宋唐之如記等今不傳故補之自商周而下迄五代史傳所有如婦上載之末及神怪雜說文論等最後有治如一方尤可笑也

茅屋客話十卷

晁氏曰皇朝黃休復撰茅亭其所居也暇日賓客話言及虛無變化謠俗卜筮雜異端而合道旨屬懲勸者皆錄之

陳氏曰其所記多蜀事別有成都名畫記蓋蜀人也

褒善錄一卷

晁氏曰皇朝王蕃撰嘉祐中巴縣簿黃靖國死而復蘇道其冥中所見廖生嘗傳之蕃刪取其要為此書

吉凶影響金十卷

晁氏曰皇朝岑象求編象求熙寧中末間居江陵披閱載籍見善惡報應事輒刪潤而記之間有幽見者難乎備載亦采摘著其

勸善錄六卷

晁氏曰皇朝周明寂元豐中纂道釋神奇禍福之效前人為傳記者或一編以戒世

勸善錄拾遺十五卷

晁氏曰不題撰人疑亦明寂所纂僅百事

雞跖集十卷

晁氏曰未詳撰人所集書傳中瑣碎佳事分明編次之淮南子曰善學者如齊王食雞必食其跖名書之意殆以此

一百家事類六十卷

晁氏曰分門編古今雜官小說滅一書雖曰該博但失於太略不題撰人

漁樵閑話二卷

晁氏曰設漁樵問答及火傳雜事不知何人所為

青瑣高議十八卷

晁氏曰不題撰人載皇朝事及名士所撰記傳然其所書辭意頗鄙淺

悅神集一卷

晁氏曰不題撰人記滑稽之談多有邯鄲淳笑林此其類也

廣卓異記二十卷

陳氏曰樂文子正撰

王原叔談錄一卷

陳氏曰翰林學士南京王洙之子錄其父所言

湘山野錄三卷續三卷

晁氏曰皇朝熙寧中吳僧文瑩撰記國朝故事

玉壺清話十卷

晁氏曰皇朝僧文瑩元豐中撰自序云瑩收國初至熙寧中文

集數千卷其間神道墓誌行狀實錄奏議之類輯其事成一家

言玉壺者其隱居之潭也

延漏錄一卷

陳氏曰不著名氏其間稱伯父邵公知其為章得象之姪也後

題此書疑章望之作然未敢必望之者字表民用邵公廢入官

歐陽公為作字說者也以宰相嫌遂不仕錄中又記皇祐中與

滕元發同試南廟滕首冠而已被黜籍令非望之亦當時場屋

有聲者章氏儒才固多也

紀聞一卷

陳氏曰集賢殿修撰李復圭嘗言撰淑之子也

東坡手澤三卷

陳氏曰今俗本大全集中所謂志林者也

艾子一卷

陳氏曰相傳為東坡作未必然也

龍川略志六卷龍川別志四卷

晁氏曰皇朝蘇轍撰轍元符二年夏居徐州杜門閉目追惟平昔使其子遠書之于紙九四十事其秋復記四十七事龍川循州地名

古今前定錄二卷

晁氏曰皇朝尹國均輯經史子集古今之人興衰窮達貴賤貧富死生壽夭與夫一動靜一語默一飲一啄定於前而形于夢兆於卜見於相貌應於識記者九一門以為不知命而躁競者之戒至若裴度以陰德而致貴孫真以陰譴而減齡之類又別為二門使君子不以天廢人云

麗水燕談十卷

晁氏曰皇朝王闕紹聖間撰麗水其退居之地也闕從仕四方

與賢士大夫燕談有可取者輒記之八而得三百六十餘事

陳氏曰澗齊水名左傳有酒如澗闕治平四年進士

逆旅集

淮海秦觀撰自序曰余閑居有所聞輒書記之既盈編軸因次為若干卷題曰逆旅集蓋以其智愚好醜無所不存彼皆隨至隨往適相遇於一時竟亦不能久其留也或曰吾聞君子言欲純事書欲純理詳於誌常而略於紀異今子所集雖有先王之餘論周孔之遺言而浮屠老子卜筮星幻神鬼物之說猥雜於其間是不莫之分也信誕莫之智也常者不加詳而異者不加略也無乃與所謂君子之書言者異乎余笑之曰鳥栖不擇山林惟其木而已魚遊不擇江河惟其水而已彼計事而更簡物而言切切然去彼取此者縉紳先生之事也僕野人也擁腫是師懈怠是習侏不知雅言之可愛術不知俗論之可卑偶有所聞

則隨而記之耳又安知其純與駁邪然觀今世謂其言是則矍然改容謂其言信則適然以喜而終身未嘗信也則又安知彼之純不為駁而吾之駁不為純乎且萬物歷歷同歸一隙衆言喧喧同歸一源吾方與之沉與之將益有取舍而不可得何暇是否信誕之擇哉子往矣客去遂以為序

傅公嘉話一卷

晁氏曰皇朝傳堯俞之子孫記堯俞之言行凡四十餘章獻簡堯俞謚也

留日公南遊記一卷

晁氏曾公未詳何人當是公亮之孫也共十二章記國朝雜事摺紳臆談二十卷

晁氏曰皇朝張唐英吾房撰君房博學通釋老善著書如名臣傳蜀檮杌雲笈七籤行于世者毋庸數百卷此書亦詳實

稗官志一卷

晁氏曰皇朝呂大辨雜記其所聞前古往行倦游雜錄八卷

晁氏曰右皇朝元豐初張師正撰序言倦遊者仕不得志取書平生見聞將以信于世也自以非史官雖書善惡而不

東軒筆錄十五卷續錄一卷

晁氏曰右皇朝魏泰撰襄陽人曾布之婦弟為人無行而有口頗為鄉里患苦元祐中紀其少時公御間所聞成此編其所是非多不可信心喜章惇數稱其長則大槩已可見又多妄誕姑舉其一如謂王沂公登甲科劉子儀為翰林學士嘗戲之按沂公登科雖在子儀後四年其入翰林沂公反在子儀前七年沂公咸平五年登科子儀天禧三年始除學士蓋相去二十年其謬至此

王氏曰藝文者場屋不得志喜爲作他人著書如志怪集拾異
志倦游錄盡假名武人張師正又不能自抑出其姓名作東軒筆
錄皆用杜善怒誣讖前人寔後作碧雲暇假作梅堯臣毀及范
仲淹而天下駭然不服矣 詳見碧雲暇條下

文獻通考卷之二百一十六終

